



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

4. S. Franciscus Seraphicus

[urn:nbn:de:hbz:466:1-52716](#)

strato corpore distractiones, & neglig-
gentias, firmumque cum Maria ine-
mus pactum, nullam jam amplius tran-
sigendi diem sine recitatione S. Rosarii:
Chare mi! Integræ horæ, dies, & no-
ctes impenduntur vanitatibus, corpori,
sæculo! Ah! & nec quadrans invenia-
tur pro cultu Mariæ, & consolatione
nostræ afflictæ animæ? Certè offendи-
mus Matrem, quæ semper bona est ho-
minibus, quia per Ipsam habent Re-
demptorem. Bona peccatoribus, quia
per Ipsam consequuntur veniam. Bona
Justis, quia per Mariam obtinent perse-
verantiam. S. Vinc. Ferr. Dicamus *Te
Mariam laudamus &c.* applicando
Hymnum SS. Ambrosii, & Augustini
Nomini B. V.

Festum S. Francisci Seraphici
Familiae Humillimæ Fundatoris ce-
leberrimi.

EXHORTATIUNCULA I.

UNde tam mirabilis sanctitas Fran-
cisco? Contemptu sæculi. Reje-
ctis etiam vestibûs cessit omnia bona pa-

Aa 7 tr:

566 IV. Octobr. S. P. Francisci Seraph.
tri, ut cum veritate profiteri posset:
*Pater noster, qui es in cælis. O noster
ræ immersos vermiculos!* quando sur-
sum tendemus? Quando in Patrem no-
bis constituemus Deum? *Unus Deus est*
Pater omnium, ad Eph. 4. Sæviat, quan-
tum vult, Pater est. Sed affixit nos?
Sed contrivit nos? *Pater est.* S. Aug.

Instructio meritoria.

Non moremur Fili! Ecce ut Deum Pa-
trem æternum, coelum, ac beatorum
gaudia cum S. Francisco plus æstime-
mus, quam cuncta transitoria, assuesca-
mus hanc ipsam singulariter efflagitare
gratiam, quoties mensam frequentamus
angelicam. Tunc tempus acceptabile!
Tunc dies propitiationis, & misericor-
diæ! Pro renuntiatione mundanorum
perfecta offeramus 34. *Pater & Ave*
cum renovatione formulæ S. Professio-
nis. Consurreximus cum Christo! quæ
sursum sunt, quæramus, teneamus!

II.

O Quantum profuit S. Francisco amo-
re Christi, reliquise omnia! Inde
enim orta est intima cum Deo unio, ami-
citia,

citia, & individua familiaritas. Hinc illa dulcedinis Verba : *Deus meus! & omnia!* Adeò est dulce, separari à sæculo, & paupertate conjungi Domino. Æquè beatus est, qui, cùm nihil habeat, cupit nihil præter Deum, quām qui habet omnia, quæ cupid extra eum.

Instructio meritoria.

Frustra, stultè, inaniter quietem quærimus in rebus creatis: Ad Deum properemus! Si hodie recreationi, refectio- ni, vel alteri honestæ interfuerimus relaxationi, mentem elevemus, rectam intentionem innovemus, spiritualiter communicemus, Deique intimè nobis præsentis vivâ fide recordemur cum D. Augustini protestatione: *Jesu! ubi es? Tædeat me gaudere sine te! delectet me abstinere, & multa pati pro te. Non men tuum mea refocillatio! memoria tui mea unica consolatio.* In fine recrea- tionis recitemus psalmum *Miserere cum Laudate pueri Dominum.*

III.

Finem amor nescit. Amavit Fran- ciscus: Sed plus Franciscum Chri- stus

§ 68 IV. Octobris. S. P. Francisci Seraph.

stus Dominus, qui & sua prodigiosa amanti impresserat stigmata. Accurramus, fili! exosculemur! Nos, & totam Seraphicam Familiam intra eadem abscondamus! Gaudium magnum prodiit in mundo, dum Fundator tanti ordinis illuxit Ecclesiæ. O cœlum! In necessitatibus quando tua unquam nobis defuit providentia?

Instructio meritoria.

Nunquam defuisse, agnoscunt tot convulsæ hæreses; Contestantur tot regiones, & provinciæ ad Christum conversæ; profitentur & innumeri ad pœnitentiam reducti peccatores miseri. Id & nos agnoscamus, & in gratiarum actionem intonemus: *Confitemini Domino, quoniam bonus, quoniam in seculum misericordia ejus.* Jungamus & officium minus de S. P. Francisco Seraphico pro totius Seraphicæ familiæ incremento. Hilarem Datorem diligit S. Franciscus.

Festum

